



Kámik di sisooraas uñen sílamukaas sati Elíibarey Ewáaniiney



Siluwaas sagorumi Amisilimau

Usalaal Emitey, kásuumaayak di kalawak kati Emitey di ikulako di Amansaau, Anabiyonau oololaal an úbooliaami, alakomi Aboñaayau ati Emitey.

Kutiom, kúliinom kumisilimaak, jimanj mati Emitey ebonketuubonket, poop nootaale emanj waaf ubaacir :

① **Utoonandau woo ulakomi emanjey** : yoo elakomi emanj Emitey, numanj Aboñaayau ooluyo (*An Kásuumaayak kommi di oo di epakey*) numanj buruñab bati Lisilaamey mati senut au kariben Emitey bamanjutuyo. Akaanumomi oo naliliim, poop kunannaam di kukerekenak.

② **Ugabutenaw ekaaney nen mankuregimi** : amanjumi ban ákaaneriit nen mankuregumi oo kunannam di Kusuwifak, mati bukoo kumamanj wan kuliikiteniimi ban kúkaaneriituwo. Macopaam mati eseetaanaay búrom, yoo ebuun anau manatey emanjey mambi alako di érimey yati kámanjaataak manabenenko bee kajom kákamboorak koola di Emitey naane amanjut. Manteer amanjut mati abajumi buruñ bati eñesey emanjey ban añesut emanj, oo acila abajut kabonket di Emitey. *Macopaam mucila moo bukanak kati Nóe kukaanumi nan kulookumi uwosiil (kumañut kujam) mánkuguuyoor di wañaw wooliil* [Nouh 7] takunkubaj to kañoosoor di bukoo.

③ **Kasanken bukanak mankukaanuwo** mati kumanjaak di kámikenemi di buruñab bati Emitey bukoo kujawulomi kunabiyonak baje'er, poop Emitey edankadanka kuñiilak kati Isirael mati kúfirenoorut wajakutaaw wan kulakomi ekaan. *Malegen waaf wajakut kulakoe ekaan* [Al Maidah 79]. Kajojenak bukanak di Lisilaamey di eliikey bukanak buruñab bati Emitey roo waaf wan anooan oote ukaan (Kifaya). Nen baje kakaanuwo di bukan kajuupoe di ésukey an letabaj júnube. Bare eeno bukanak búrom kúkaaneriituko bukoo búrom pankubaj júnube.

④ **Ubaacindenaw mátaañiam mantomi** di kabetak kati eñesey emanjey di ekaaney nen mankuregumi, di ekaaney bukaaku mankukaanumo.

Di enesey kapurenak kamanjaataak kati bukanak di lisilaamey, di poop man emanjey londaay emanjaayey erent di bukanak, oli nujojenjojen di elibarey uye wan an oote emanj di londaay yati lisilaamey, di kapajulak kurimak kati sisooras sifeejitenas, silamukaas, sati Alukuraaney, di kakaraañasuso meej

Di poop nen man kuregak kuregum eeno: emanj wayikum ekoyume kamanjaati Panjjuk di elibarey uye

Moo kaane nukaanum manureg set wan umane ereg di kurim katamie kasete kati sihadisas sati Abonaayau ceb. Oli oonut wan uregumi burom malejen, malejenam moo Emitey ceb ecilumumo, hani, roo kankaan burok ban an akaane, nañoolene alo. Wanoowan wakuromi woo Emitey ekaane, wanoowan wajakuturomi woo bukaanum bati seetaani Emitey di Abonaayau ooluyo kukajenut. Emitey ebonket anooan abajunomi ejuk beet eyisoli ro fulaaf foololi, di eyes yasete, eyes yati kajoonen.

Oli nulalaw Emitey man ewul kawulak kafañumi ejak karurumi burom uneniil di kajuumenak burokab ube, di karinulubomi di usankenaw di kamanjenakubo bukanak, di ewaaseyubo, Emitey di emanj burok bucila manewolen kawul kucila di bacaamab bandomi.

Emitey efañe emanj. Kasuumaayak kati Emitey kulako di Abonaayau Muhamad, di fiilaf foola di kuriibooraak koola burom.

Internet: www.tafseer.info Email: gol@tafseer.info

Oummu Hbibah naane :” Imusut ekatuso kábiriñ nan ijamuro di Aboñaayau (*An Kásuumaayak kommi di oo di epakey*).”

* Ibum Omar aregumi ehadiisey uyu naane amisilimaau abajumi fubaj ban namañ esenfo di kurim kaciiki aatut akob kunak kúfeejiir mambi kujuumak koola kukaani di baciiker.”. púr to, ibun Omar naan: “ kábiriñ nan ijamumi Aboñaayau ati Emitey di ereg mo, fuk leefuwuuj ínje emanjey yúmbaam di kayit.”

* Alimaamau Ahmad (emitey ebonketool) naane: “ Imusut iciik ehadiis baminjenut manikaan wan kuregumi, mambi kusen bacaam akaanammi kuraafenaak, mati nijamejam Aboñaayau nakaanookaan kuraafen di bálamukab bati Abutaibah ban nasenool dinaar yákon.

* Alimaamau Al Bukhari (Emitey ebonketool) naane : “ Imusut item acee kábiriñ nan yommi mati etemey ñíñii. Niyaakaare di kayajoorak di Emitey, leteceñom mukaanaay mati etem acee.”

* Koone di hadiis: Akarañumi esooraay yati Kursy (AlBaqaraa, 255) bálamuk kásali kanookan, ecetey ceb éfirenoomi ejaw Arijana.” Ibum Alqayyim (emitey ebonketool) naane: “ nijanjam mati Cheikh Al Islaam (Ibum Taimya) naane: “ Imusut ilonj kakarañ rouru bálamuk kásali, manteer di eloñ mba ricee ranaame.”

► Bálamul emanjey di ekaaney noote ubem bukanak di wajakaa wan Emitey eseniimi, mati jákumufirenooro bacaamab, di ákumufiren acee di majakaam umu. Aboñaayau naane: “ *áyiisumi majakaam,, panabaj bacaam bare'e di bati akaanumi káyiisenak.*” Aboñaayau poop naane: “*ákoyummi di muyuul oommi akarañumi Alikuraaney ban naliikuyo. “poop naane úriiñen amiikeelau úmbaam; kankaan esoora.*” Ban nen man kawoloorak kati fubajaf fiia fommi di kajuupo, au ebaj bacaam bajuupoe, baruuke ban mukaanaayam miiya majakaam leemuban di buruñab biiya mba bálamauk ecetey yiia. Aboñaayau naane : “ nan an acete, mukaanaayam moola eban manteer kujuum kúfeejiir : esada yaate kapio di dúniyaay, lóna yaate kanafa bukanak mba kuñiil kajake kaate elawool Emitey di kapooyak.

Kasetenak : Ukarañaal esooraay yati Fâtiha (kákambulak 1) wuuj ñoono bútinken di ñagaba funak fanoosan ban nulawaal ró kapooyak kati Emitey jakum uwaraal buruñab bati kañarulomi kabolenak kati Emitey .” di “ kaliimumi.” Ban nure'enaaliil di mukaanaayam mooliil. Nukataa kaliikenak ekaaney di káwaayen kámanajaati di bakaanerab ubu, panunokooraal di kúkatolikak kaliimumi; mba muliikenaal ban letukaanaal manunokooraal nounu di kukaafiraak kalomi kabolenak kati Emitey !

Nulalaw Emitey máneyaboli nen muyuul, kaliikenumi lóna yanafae di kaminjenak mukaanaayam majakaam. Emitey di Aboñaayau ooluyo kumamanj fañ.

Man kabonketak kati Emitey di kásuumaayak kooluyo koom di Aboñaayau oololaalmba Amañoorau Muhammad, beri fiilaf foola di kuriibooraak koola.